

Wackernagel, Altdeutsches Lesebuch.
(Spamer)

S. 258f.

Herre got, erbarme dich uber mich durch die here
geburt dines sunes, unseres herren Ihesu Christi,
daz er geborn wart in diese werlt vone sante Ma-
rien alleme manchunne ze troste. durch die selben
gnade vertilege, herre, min unreht und brinch
mich zuo den ewigen wunnen, dar er uns geladet
hat mit siner martere und mit sineme tode. Ich
bite dich, herre, durch daz vrone tougen dines
heren lichnamen und dines bluotes, daz du minen
lip und min herce niuwest und rainest. Gib mir,
daz ich mit diseme heren lichnamen in dir beliben
muoze und du in mir. verliche mir, herre, daz ich
an miner hineverde dinen heren lichnamen und din
bluot wirdechlichen enphahen muoze. Heligez
opher, herre got, du hast diu wort des ewigen
libes. wir wizzen und erchennen, daz du bist der
helige Crist, der ware gotes sun, nu sihe ich,
herre, des *ie gerte; des min herce ie gerte,
daz han ich: din hailigez flaisk und din bluot
han ich enphangen. willechomen, aller fleiske
heriste, aller ezzen suozest; willechome, hime-
lischez tranch, suozze des ewigen libes! din fleisk,
herre, han ich enphangen in mich: nu verwandel
mich an dich. herre Crist, din lichname hailiger
der belib in mir unde erwerve mir den waren ant-
laz. Ich han gaz, ich * getrunchen, ich bin sat:
ich bin mit dem lichnamen enbizzen, der an dem
cruce erhangen was; ich han getrunchen daz pluot,
daz uz Cristes siten floz. Ich sage dir lobe unde
gnade, herre, daz * mich sundarinne gehaillet hast
unde gerainet unde gesattet mit din selbes verche,
und bitte dich, daz mich disiu wirtscaft erlose
von disses libes angesten unde von deme ewigen
tode, unde brinch mich zuo den, die da sten sulen
ze diner zesewen an der jungisten urtaile, da wir
alle gesten sul vor dir, ubele unde guote. da wirt
den ubelen ertaillet swebel unde viur; da gibeste,
herre, den saligen dich selben ze lone. du wirst